



МЕСЯЦА АПРЕЛЯ В 20-Й ДЕНЬ

Преподобнаго отца нашего Феодора Трихина

НА ВЕЧЕРНИ

На Господи, воззвах: стихирь, глас 8.

Подобен: О, преславнаго чудесе:

Мреподобне отче Феодоре, / дар, Богу избран, / сам себе принёсл еси, / бдение всеночное и умиление стяжав, / поучение Божественно, / конечное смирение, / надежду, веру, любовь неразтворену, / трезвение и милосердие, / истинное безстрастие и молитву, / столп ты показаша световиднейший.

Преподобне отче Феодоре, / во одеяние истинное / и спасения одежду / благочестивым разумом ищай одеться, / власяными рубы всегда / твоё тело покрывати не престал еси / и обнажил еси нас обнажившаго козни, / силою укрепляемь / Божественнаго Духа.

Воплощшемся Богу нашему / от Девы Матере нас ради / и обнищавшему, яко нищ духом, / тебе самого принёсл еси, / жертву живу и всесожжение приятно, всеблаженне, / и дар чёстен. / Темже приёл еси Небесное наслаждение. / К Немуже присно молися, / помилovati нас.

Слава, и ныне, Богородичен:

Плоть от кровей Твоих приёмь, / Первовечный Бог / Тя Предстательницу показá человеком, Чистая. / Темже избави рабы Твоя / от всякия беды и

обстоянія / и сѣтей лукаваго врага / и сиянія причастїтїся сподоби избранных / Тя славыщїя и покланяющїя Тебѣ.

Крестобогородичен:

Тя видящи, пригвождаема / на Крестѣ, Исусѣ, / и страсти приѣмлюща волею, / Дѣва и Мати Твоя, Владыко, / увы Мне,—вопяще,— Чáдо сладкое! / раны неправедно како терпиши, / Врачу, исцелимый челоуѣческое неможѣние / и от тли всех избавивый милосердіем Твоим?

Канон, глас 2.

Песнь 1

Ирмос: Во глубинѣ постла иногда / фараонитское всебѣинство преоруженная сила, / воплощающееся же Слово всезлѣбный грех потребило есть, / препрославленный Господь славно бо прославился.

Даровании Божественными обогащя, / дар яко многоценен, Творцу, отче, себе привел еси. / Темже мой облагодати помысл, / восхваляюще твою днесь память светоносную и житие равноангельное.

Яко напитався Божественными добрѣтами, / взял еси на ramo твоѣ постнически крест, Феодоре, / и последовал еси вольное тебе ради Претерпевшему распятие, блаженне, / страсти умертвив телесныя.

Крепко, отче, противу врага ополчився, и, крестным оружіем огражден, / сего смирил еси, смирився и мудре возношаемь. / Темже победоносец явился еси и преподобных равностоитель.

Богородичен: Спасшиися, Дѣво, Тебѣ ради, / Пренепорочную в женах и Божию Родительницу пѣсньми ублажаем, / и почитаем, и согласно зовем: / радуйся, виновная прадедняго наздания.

Песнь 3

Ирмос: Процвела есть пустыня, яко крин, Господи, / языческая неплодящая Церковь / пришествием Твоим, / в нейже утвердися мое сердце.

Процвел еси в породе воздержанія, преподобне, яко шипок благовонен, / сердца благоухая нам Божественным твоим житием, преславне.

Крѣпостию возмогаемь Спасовою, / шествовал еси тѣсным, славне, жесто́ким и скѣрбным путем / и к широтѣ Вѣшняго Сиона достигл еси.

Видится твой гроб, / благово́нно миро благода́тию источая, преподо́бне, / и проповѣдует Бо́гу бывша ты благово́ние, ѓтче священне.

Богородичен: Черто́г безсмер́тия Твое́ чрево бысть, / из него́же Жени́х Господь возсияв, Дево Пречы́стая, / преподо́бных лик Себе́ собра.

Седáлен, глас 4.

Подобен: Вознесѣйся:

Яко чист, к чы́стому присту́плъ чáстыми моли́твами и чистото́ю, / освятѣлся еси́ Духом, Феодоре, / отонудуже со Ангелы ны́не водворя́яся, поѣши песнь трисвяту́ю всех Влады́ще. / Тѣмже моли́, преподо́бне, Христа́ / поми́ловати любѣвию чтущих тя.

Сла́ва, и ны́не, Богородичен:

По Бѣзе во Твой, Богородице, / прибегаю, смиренны́й, покров Божественны́й, припада́я, молю́ся: / поми́луй, Пречы́стая, яко превзыдо́ша главу́ мою́ греси́, / и бою́ся, Влады́чице, му́ки, и трепещу; / моление сотвори́, Чы́стая, к Сы́ну Твоему́ от сих изба́вити мя.

Крестобогородичен:

Иже от Безнача́льнаго Отца́ рождѣннаго напоследок Тя плѣтию рѣждшая, / на Крестѣ вѣсяща, зря́щи, Христѣ, / ўвы́ Мне, любѣзнейший Иисусе,— вопия́ше: / како́ сла́вимый яко́ Бог от Ангел, / от беззакѣнных ны́не человек, Сы́не, хотя́, распина́ешься? / Пою́ Тя, Долготерпели́ве.

Песнь 4

Ирмос: Прише́л еси́ от Дѣвы, / не ходата́й, ни Ангел, но Сам, Го́споди, вопло́щся, / и спасл еси́ всего́ мя, человека́. / Тем зову́ Ти: сла́ва си́ле Твое́й, Го́споди.

Воздержáния чáстыми я́звами уранил еси́ стра́сти Египта / и наста́вил еси́, Феодоре, к землѣ Небѣсней / благочѣстно и преподо́бно послѣдующия тебѣ.

Исткáнии добродéтельными соделал еси, Феóдоре, / себе уго́дну и чистéйшую одéжду, / в нóже одéваясь, в чертóг Вь́шний вшел еси.

Изсуше́нием, сéтуя, соверша́л еси, Феóдоре, / влася́ными исткáнями твою́ плоть покрывáя, / отонúду́же ти возсия́ мýсленное весе́лие Божéственным Дúхом.

Богорóдичен: В час мя стра́шный, Пречи́стая, суди́ма / спаси́ и избáви, геéнны исхити́, / я́ко да ублажа́ю Тя и по до́лгу чествúю, Непоро́чная.

Песнь 5

Ирмо́с: Свéта Подáтелю / и веко́в Тво́рче, Го́споди, / во свéте Твои́х повелéний наста́ви нас: / рáзве бо Тебе́, ино́го бо́га не зна́ем.

Жити́е равноáнгельное восприе́м на земли́, преподо́бне, / по́стнически вся́ким озлобле́нием умертви́л еси́ страсте́й воста́ния, / Богому́дре Феóдоре.

Час Суда́ помышля́я всегда́, / отрину́л еси́ от души́ сон уны́ния, / у́тренюя к Бо́гу и Божéственною любóвию удобря́емь.

Любя́ Вь́шния обите́ли, я́ко мона́х и́стинен, / воздвигл еси́ на земли́ обите́ли мона́шествующим, / в ни́хже тобо́ю насажде́ни б́вше почита́ют тя, преподо́бне.

Богорóдичен: Еди́на родила́ еси́ ипостáсную Жизнь, Пречи́стая, / Творца́ всех и Влады́ку, / Его́же любя́ще, мно́жество оте́ц преподо́бных преподо́бно пожы́ша.

Песнь 6

Ирмо́с: В бе́здне грехóвней валя́ясь, / неизсле́дную милосе́рдия Твоего́ призывáю бе́здну: / от тли, Бо́же, мя возведи́.

Просвеще́ся видéнии лу́чшими, / от всех земны́х дúшу обнажи́л еси́ / и о Бо́зе упраздни́лся еси́ непреста́нными поучéнии, Феóдоре.

Свэ́тлаго твоего́ жити́я свэ́тлостию / поднебе́сная освети́шася, блаже́нне, / востóчнаго со́лнца светосия́нную тя звезду́ пропове́дающе.

Мра́зом и стúдению утесня́емь, / и́же к Бо́гу огрева́лся еси́ мановéнии / и зиму́ отгна́л еси́ страсте́й Божéственною тепло́ю, Феóдоре.

Богорóдичен: Я́ко добру́, я́ко красну́ явьльшу-
юся, / Сло́во красное возлюбí, Чíстая, / и в Твою́
утробу всели́ся в на́ше, ве́рных, избавле́ние.

Конда́к, глас 4.

Подóбен: Я́вился еси́ днесь:

Я́вился еси́ предивен жити́ем, / Феóдоре му́дре
о́тче, / власяны́ми ру́бы изменíв / па́че ца́рских
сокро́вищ, / я́же на земл́и, / сего́ ра́ди небéсную
оде́жду восприя́л еси́, / прíсно моли́ о нас, препод-
о́бне.

Песнь 7

Ирмо́с: Богопротíвное велéние / беззакóнну-
ющаго мучíтеля вы́сок пла́мень вознесло́ есть; /
Христóс же простре́ Богочестíвым отроко́м рóсу
духовну́ю, / Сый благословéн и препросла́влен.

Миродохновéн был еси́ добродéтельными тво-
и́ми о́беты, Феóдоре, / и мíро благово́нно от
честных тво́их мощей / источа́еши нам, ве́рно
чтущим тя, / ду́ши и сердца́ благоуха́я, преподо́б-
не.

Я́ко а́гнец незло́бив, воспитáн на зла́це воздер-
жа́ния, преподо́бне, / всели́лся еси́ во огра́ду
Небéсную веселíтися с начальным Па́стырем, /
тёмже тво́я о́вцы прíсно поминáй.

Кáплями слез тво́их погасíл еси́ вря́щую телесé
пещь, священне, / огнём Божéственного Ду́ха рас-
пала́емь, / свети́льник до́блести и свет сущим во
тьме, о́тче, был еси́.

Богорóдичен: Показа́ купина́ Тя, повивáема
огнём, Пренепорóчная, ника́коже опаля́ема ўбо, /
Огнь бо носíла еси́ Божества́, / И́же неопáльну Тя
соблюде́, Чíстая, и по рождестве́ Дéву нетлénну.

Песнь 8

Ирмо́с: В пещь о́гненную ко отроко́м еврейским
сни́зше́дшаго / и пла́мень в рóсу прелóжшаго
Бо́га, / по́йте дела́, я́ко Го́спода, / и перевозно́сите во
вся ве́ки.

Скве́рну отмы́л еси́ души́ слéзными течéнии / и
потóк пи́щный насле́довал еси́ и кро́тких зéмлю, /
я́ко кро́ток, преподо́бне, и незло́бив, и правдо́ю
я́ве укра́шен.

Сво́йственными к Бо́гу взира́нии прѣсно просвѣща́емъ, / непреткновѣнно премину́л еси́ страстны́я по́мыслы и все омраче́ние телѣсное / и к свѣту прешѣл еси́ безстра́стия, о́тче.

Да и́стинному желáнию присту́пиши, возде́ржник, и смиренномúдр, / и долготерпелѣв яви́лся еси́, и мѣлостив войстинну, / власяны́ми рúбы покрывáяся и дѣмонскую обнажа́я прѣлесть.

Богородичен: Украсѣвшись добрóтами добродѣтелей / и рýсны преиспещрѣнна златы́ми, Дѣво, / я́же пáче всех человек краснѣйшаго Слóва породила́ еси́. / Егóже поёт преподóбных мно́жество во вѣки.

Песнь 9

Ирмос: Безначáльна Родѣтеля Сын, Бог и Господь, / вопло́щся от Дѣвы, нам яви́ся / омраче́нная просветѣти, собра́ти расточе́нная. / Тем Всепѣтую Богородицу велича́ем.

Распѣн плоть твою́ стра́хом Влады́ки твоегó, / умертви́лся еси́ мѣру, о́тче Феодоре, / и ны́не прешѣл еси́, раду́ясь, к жизни живы́х, треблаже́нне, / причáстием обоже́н и свѣта прѣсно исполня́емъ.

День прáзднственный и испо́лнен свяще́ния, / твою́ Божѣственную пáмять соверша́ем днесь: / ты бо свѣта и дне я́ко войстинну сын показáлся еси́ / и во свѣте невечѣрнем живѣши, раду́ясь.

Светѣльниче светозáрне, Бóжия дáра тезоименѣте, / Богоси́янное светѣло, невечѣрняя заря́, / добродѣтелей мирополо́жнице и непрекло́нен стóлпе мона́шествующих, / ста́до твоѣ изба́ви моли́твами твоѣими от вся́кия скóрби.

Богородичен: Свѣта жили́ще чре́во Твоѣ бысть, Дѣво, / просвѣща́шаго мир заря́ми Божества́, / двѣре Сóлнца сла́вы, / в жена́х прерáдованная, преподóбных похвалó, / Всесвятáя и Прѣблагословѣ́нная.

Преподобный Феодор Трихина родился в богатой константинопольской семье. В юности он удалился в пустынную обитель во Фракии и принял монашество. Преподобный

был строгим постником, носил только одну грубую, колючую власяницу, отчего и был прозван Трихиною, то есть «Власяничным». Этим именем был назван и монастырь, в котором

он подвизался. При жизни преподобный творил много чудес и исцелений.

После смерти от его святых мощей, прославленных милостью Божией,

истекало целебное миро, которое излечивало многие болезни и изгоняло нечистых духов. Время жизни преподобного Феодора неизвестно.



В
ТОЙЖЕ
ДЕНЬ

Преподобнаго Алексáндра Ошевénскаго

ВÉЧЕР

Блажén муж: 1-й антифóн. На Гóсподи, воззвах: стихиры, глас 2.

Подóбен: Кíими похвáльными венцы́:

Кíими похвáльными венцы́ / венча́ем преподóбнаго отцá нашего Алексáндра, / духóвно вси достизáюще чистоту́? / Тогó любящим и всем íноком предстáтеля, / и застúпника твёрда своему́ ста́ду, / и всем скóрбным утёшителя, / благочéстию столпá, миру побóрника, / егóже ráди шатáния врагóм Христóс низложí, / имéяй вéлию мýлость.

Кíими пéсньми и пéнии / похва́лим преподóбнаго отцá Алексáндра? / Преподóбным ликóм сопричáстника / и благочéстия побóрника, / цёрковь вели́каго святítеля, чудотво́рца Никóлы воздв́гша, / и тогó духóвное ста́до собравша, учени́к сво́их, / и общежítельство в Ка́ргопольстей óбласти устроивша, / егó же ráди Христóс шатáния вра́жия низложí, / имéя вéлию мýлость.

Кíими прорóческими пéсньми / похва́лим преподóбнаго Алексáндра? / Ёже не от Рíма, ни от Иерусали́ма пришédша, / но от зде ца́рствующаго гра́да Москв́ы достíгша Бéла éзера óбласти, / честна́го Успéния Бóжией Мáтери обíтели Кири́лловы огра́ды, / тогó учéнию нав́икшаго, / и отту́ду пришédша к се́верным странáм, / и вíдевша та́мо лю́ди умно́жившиися, / и общежítельства не бе в странé той, / и пусты́ню, áки град, сотво́рша, / егóже ráди бра́ни вра́жия Христóс низложí, / имéяй вéлию мýлость.

Кíими дарми́ духóвными и похва́лами / похва́лит град наш Ка́ргополь преподóбнаго Алексáндра? /

Таковá бо имéя светильника, в послéднем рóде возсия́вша, / тако́ богáтство обрéте, не издávна сокровéно, / не под óдром свети́ло, но на свещни́це, / ра́ка же блаже́ннаго не от злáта, ни от камы́к* драги́х светя́щихся, / но от Свята́го Ду́ха сия́ет благода́тию, / чудес исцелéния пода́ет приходя́щим с véрою, / егóже ра́ди ко́зни вра́жия Христóс низложí, / имéяй véлию мýлость.

Слáва, и ны́не, глас 8:

Всечестна́я и чудотворна́я ра́ка, / идéже лежít трудолю́бное и святóе тéло твоé, Алексáндре, óтче наш, / исцелéния неоскúдна пода́ет приходя́щим с véрою, / душетлénныя стра́сти исцеля́ющи, / полкí же бесóвския побежда́ющи, / тем и ста́до своé чудесы́ удивля́еши, / сегó ра́ди радóстно, от души́ вопи́ем ти: / Богоблаже́нне, преподóбне óтче наш Алексáндре, / моли́ Христá Бóга спасти́ ны / и мýрови да́ти véлию мýлость.

И ны́не, прáздника.

Вход. Прокíмен дне. Чтéния 3 преподóбническая (зри страницы 14—16).

На литíи стихíры самогласны, глас 6:

Приидíte, вси концы́ землí, / псалмы́ и пéсньми священное и честнóе преподóбнаго Алексáндра торжествó / днесь благочéстно восхва́лим, / áще бо и последí возсия́, / но дрéвних чéсти сподóбися, / и мо́лится Христóви / спасти́ся душáм нáшим.

Вы́шняго Прóмыслом вперя́емь, / преподóбне óтче Алексáндре, / воздержáнием пи́щу Божéственную позна́л еси́ / и непрестáнною мо́литвою и но́щным стоя́нием / Кири́ллу, блаже́нному своему́ учите́лю, снаслéдник б́ити сподóбился еси́, / слéзными же потóки бесóвския ополчéния погрузíл еси́, / тем же Христóс тя даровáнием чудес обогатí, / Егóже возлюби́ и Егóже ра́ди тяготу́ дневнóю понéсл еси́, / Тогó моли́ спасти́ся душáм нáшим.

Преподóбне óтче Алексáндре, / страстна́я възграна́ния воздержáнием изсуши́л еси́ / и Ду́ху Свято́-

* камы́к — камней

му отсе́го жили́ще в себѣ учини́л еси́, / с ве́рою
приходя́щим пода́еши исцелѣ́ния, / я́коже дрѣвнии
отцы́, показáшася чудесы́. / Ты же, преподо́бне, по
смѣрти чудесы́ удивля́еши, / не бо зерка́лом и
гада́ньми, / но я́сне зри́ши Святу́ю Трѳи́цу, / Ю́же
моли́ и нам, ча́дом твои́м, спасты́ся / и душáм
на́шим дарова́ти ве́лику ми́лость.

Сла́ва, глас 8:

Прииди́те днесь, Боголюбѣ́вое ино́к мно́жество, /
псаломская́ пѣ́ния и духо́вныя цвѣ́ты своему́ отцу́
принесѣ́м, / я́ко войсти́нну ино́ческому украше́нию
и преподо́бным сожи́телю, / хва́ляще, си́це рцем: /
ра́дуйся, светоза́рное свети́ло, / приведи́й ко Хри-
сту́ ино́к мно́жество; / ра́дуйся, гра́ду на́шему
похвала́ и утвержде́ние, / и всем ве́рным благо-
ути́шное пристáнище, / и очи́щение боля́щим во
гресѣ́х, / на Божѣ́ственное тех возвы́шая ра́чение. /
Тем пречестны́й и святы́й твой / и А́нгелом говѣ́й-
ный обстоя́ще о́браз, ра́достно целу́юще, / уши́ма и
очи́ма прикаса́ющесе, здра́вие прие́млем, о́тче
наш Алекса́ндре, / испроси́ нам Бо́жия человеко-
лю́биа улу́чити / моли́твами твои́ми, свя́те, / и ми́ру
смире́ние дарова́ти / и душáм на́шим ве́лику
ми́лость.

И ны́не, пра́здника.

На стихо́вне стихи́ры, глас 1.

Подобѣ́н: Небе́сным чино́м:

Презира́тель до́льним, / пресе́льник и рачи́тель
Вѣ́шним / и пусты́нный граждани́н Алекса́ндр быв
Богому́дрый, / всем нам торже́ствовати повелева́-
ет, / и́же к Бо́гу отше́ствия егó / в день спаси́тель-
ный.

Стих: Честна́ пред Го́сподем / смерть преподо́б-
ных Егó.

Вне плóти и ми́ра быв добродѣ́тельми, / тем
просла́ви Го́спода Сла́вы / на земли́ жити́ем, о́тче
Богому́дре, / по досто́янию от Него́ просла́вился / и
исцелѣ́нием я́вися Божѣ́ственный исто́чник, /
Алекса́ндре Богоприятне.

Стих: Блаже́н муж, боя́йся Го́спода, / в за́поведех
Егó восхо́щет зело́.

Смирѣн, незлѣбив, крѣток, / прост, молчалѣв, чадолѣбив отѣц ѣко бысть, ѡтче, / пѣче челоуѣка войстинну невестѣствен в вѣщѣ, / храм Бѣжия Дѣха по достѣянию явѣся, / ѣже от Него пребѣвшаѣ тебѣ дарованія / мѣлостивно подаѣши чѣдом своим.

Слѣва, глас 8:

Монахов мнѣжества, / настѣвника тя почитѣем, ѡтче наш Алексѣндре, / твоѣю бо стезѣю право ходѣти познахом, / блажен еси, Христу рабѣтав, / и вражю обличил еси силу, / Ангелов собесѣднике, преподѣбных сопричѣстнике и праведных, / с нимѣже молися Господѣви / помѣловатися душѣм нашим.

И ныне, праздника.

Тропарь, глас 4:

Христа, истиннаго Бѣга, всею душѣю возлюбил еси / и Тому невозвратным желѣнием последовал еси, / вся же красная и сладкая мира сего возненавидѣв, / ѣко небопѣрный орѣл, на Небеса възлетѣ / и тамо со Ангелы ликѣши и со всеми святѣми Святѣй Трѣице предстоиши, / моли и нам спастися, чѣдом твоим, / ѣкоже обещася, Алексѣндре преподѣбне, ѡтче наш.

Слѣва, и ныне, праздника.

НА УТРЕНИ

По 1-м стихослѣвию седѣлен, глас 3:

Земля наша и страна, блаженне, чудеса твоя возвѣщаю и воспѣваю всюду, / Христос бо ты нам светильника показа, / моли спастися нам.

Слѣва, и ныне, Богородичен:

Красотѣ дѣвства Твоего и пресветлой чистотѣ Твоей / Гавриил удивѣся, вопияше Ти, Богородице: / кѣю Ти похвалу принесу достѣйную? / Чтѣ же возыменую Тя? / Недоумеваю и ужасаюся. Тѣмже, ѣко повелѣн бых, вопию Ти: / радуйся, Благодѣтная.

По 2-м стихословии, седáлен, глас 2.**Подобен: Милосердия сущи:**

Яко добродетелем положника и преподобным
удобрение, / Церковь славит тя, вопиюще: / Алек-
сандре преблаженне, молитвами твоими / исцели
недуги и болезни наша и всяческих избави
искушений / иже верою и любовью память твою
восхваляющих.

Слава, и ныне, Богородичен:

Милосердия сущи источник, милости сподоби
нас, Богородице, / призри на люди согрешившия, /
яви яко присно силу Твою, / на Тя бо уповающе,—
радуйся—вопием Ти, / якоже иногда Гавриил,
Безплотных Архистратиг.

По полиелѐи седáлен, глас 8.**Подобен: Премудрости:**

Дух Святый ты, блаженне, настави отечество
свое оставить / и на пажить спасеную нас настави-
ти, / и Христос ты светильника нам показавше, / сего
ради, ликую, веселится наша страна, со дерзнове-
нием моляся ти, / яко сугубным венцем украшаеши-
ся от Господа.

Слава, и ныне, Богородичен:

Иже нас ради рождѣйся от Девы / и распятие
претерпев, Благий, / испровергий смертию
смерть / и Воскресение явлѣй, яко Бог, / не презри,
яже создал еси рукою Твоею. / Яви человеколюбие
Твое, Милостиве, / прими Родшую Тя Богороди-
цу, молящуюся за ны, и спаси, Спасе наш, люди
отчаянные.

Степѣнна, 1-й антифон 4-го гласа. Прокимен,
глас 4: Честна пред Господем / смерть преподоб-
ных Его. Стих: Что воздам Господеву о всех, яже
воздаде ми? Всякое дыханіе: Евангелие от Мат-
фея, зачало 43.

По 50-м псалме стихира, глас 6:

Приидите, люди вси града нашего и вси
градстии, / хвалу принесем отцу нашему, вопиюще
сїце: / радуйся, пресветлый столпе, просвещаяя

нас чудесы своими; / радуйся, звездó, от юга возсиявшая на северных странах; / радуйся, отче, мрака греховнаго избавляяй нас / и Царствию Небесному сподобляяй молитвами своими.

Канон преподобному Александру, глас 4, егóже краегранэсие: Хвалу пою нóвому чудотворцу Александру. Глас 4.

Песнь 1

Ирмос: Отвэрзу уста моя, / и напóлнятся Духа, / и слово отрыгну Царйце Матери, / и явлюся, свéтло торжествую, / и воспою, радуясь, Той чудеса.

Свéтом озаряемь благодати Твоея, Христэ, / уясни ми язык, и просвети очи мой, / и дýшу освятí, и сердце озари, / да воспою похвалу нóвому чудотворцу, преподобному Александру.

Путём, вводящим ко граду Небесному, / невозвратно шéствовал еси, Алексáндре, / íбо Святы́й Дух наста́ви тя, почива́ющ в сердце твоём.

Вознося́шеся смире́нием, óтче Алексáндре, любовь имéл еси ко Христу́, / тем мо́лимся ти, преподобне, / ущéдри смире́ние наше и болéзни вся облегчи́ серде́ц наших.

Богородичен: Пáдшим востáние и стоящим укрепле́ние сýщи, Всенепорóчная, / тем молю́ся Ти: / пáдший грехом мой ум исправи, Влады́чице.

Песнь 3

Ирмос: Твоя́ песносло́вцы, Богороди́це, / живы́й и незави́стный Исто́чнице, / лик себе совоку́пльшия, духо́вно утверди́, / в Божéственной Твое́й сла́ве / венце́в сла́вы сподо́би.

Теку́щих стоящими измени́л еси́ смýслено, / приём свой крест, óтче Алексáндре, / и в непроходíмую пусты́ню, я́ко Или́я вели́кий, отходя́, прибýл еси́.

Путь тебе́, зело́ жела́емый, отец пове́да, íже рече́: / иди́, чадо, на óну страну́ реки́ / и обрящеши мно́гими лéты сокрывáему пусты́ню, / и та́мо всели́ся, поя́ Го́спода.

Колéблемы страстьми́ различными, / véрою притека́ем к твоему́ покрову́, Алексáндре преподобне, / святы́ми твоими хода́тайствы вся ны посетí, моля́ся Человеколю́бцу.

Богородичен: Кроплѣнием мѣлости Твоея, Дѣво, / ўглие погасѣ моихъ страстѣй, Богорадованная, / и угасшій возжзѣ свѣтѣльникъ сѣрдца моего, / Златѣй Светѣльниче, Всенепорѣчная.

Седáлен, глас 8.

Подобен: Премудрости:

Страстнѣй мракъ очѣстив и Христѣова повелѣния, / яко свѣт, войстину приѣм, / в постѣ проси́ял есѣ / и, умертвѣв тѣло, духъ оживѣл есѣ, вражия сѣти попрáв, блаженне, / тем и Вѣшнихъ Безплѣтнѣхъ слугъ сопрѣчастникъ бысть Духа благодáтию, / Алексáндре, ѳтче нашъ, моли́ Христа́ Бѣга грехѣвъ оставлѣние даровáти / прáзднуюющимъ любѣвию святую пáмять твою.

Слáва, и ны́не, Богородичен:

Яко Всенепорѣчная Невѣсто Творцá, / яко Неискусомужная Мáти Избáвителя, / прѣятелище яко сущи Утѣшителя, Всепѣтая, / беззакѣонию мя суща сквѣрно жилище и дѣмонов игралище в рáзуме бѣвша, / потщѣся ѳт сихъ злодѣйствия мя избáвити, / свѣтло жилище добродѣтелями содѣлавши, Светодáтельная и Нетлѣнная, / разженѣ ѳблакъ страстѣй / и Вѣшняго причáстия сподѣби и Свѣта Невечѣрняго молѣтвами Твоими.

Песнь 4

Ирмос: Неизслѣднѣй Бѣжий Совѣт, / ѣже ѳт Дѣвы, воплощѣния / Тебѣ, Вѣшняго, / прорѣкъ Аввакѣумъ усмотрѣя, зовѣше: / слáва силѣ Твоей, Гѣсподи.

Пустыни непроходѣмыя дошѣд, / верхѣ бесѣвския възвыщáемья / смиренѣемъ смирил есѣ, мудре Алексáндре, и на нихъ мужествовал есѣ, / слáво ѣночествующимъ и утверждѣние.

Мечѣмъ обоудѣстрымъ в Христѣовъ страхъ вооружѣвся, / змѣя ѳстѣпника низложѣл есѣ разумно и чѣвственно, блаженне Алексáндре, / священными побѣдами прославляемъ.

Весь Божѣственнымъ Духомъ распалився, ѳтче, / мразъ терпѣл есѣ и многи бѣды, в пустыняхъ вселяясь, искѣй Гѣспода, / благодáтию тя Божѣственною согревáющая.

Богорóдичен: Тя, очищѣние всем земнымъ, вѣрою молю и припадаю, Благословѣнная, / мѣлостива ми Судию и Сына Твоего сотвори, / яко да по долгу славлю Тя.

Песнь 5

Ирмос: Ужасóшася всяческая / о Божѣственной славе Твоей: / Ты бо, Неискусобрачная Дѣво, / имѣла еси во утробѣ над всеми Бóга / и родила еси Безлѣтнаго Сына, / всем воспевающимъ Тя / мир подающая.

Шѣствовал еси, преподóбне, узкий и прискóрбный путь, / Божѣственными восхождѣнии сѣрдца, и видѣнии разширяемъ, и положѣнием обожаемъ яве, / тем бысть инокомъ утверждѣние и украшѣние.

Яко очистившу помышлѣния, преподóбне, / благодать тебе дадѣся, яко пророку, / яко настоящая, глаголати бóдущая, / зрѣти же дальная, яко ближняя, Алексáндре, Бóжие обителище.

Болѣзней мя избáви грехóвных и скорбѣй, / утоли сѣрдца моего лóтость / и грехопадѣниям разрешѣние даруй, / Благодѣтеля Бóга имѣя, послушающа честныхъ твоихъ молѣтв.

Богорóдичен: Ума моего уврачу́й изступлѣние, Всенепорóчная, / и исцели страсти душѣвныя моя, и уны́ния тьму отжени, / яко да восхваляю Тя пѣсенно, Присноблаженная Богорóдице Всепетая.

Песнь 6

Ирмос: Божѣственное сие и всечестно́е / совершающе прáзднество, / Богомúдри, Богомáтере, / приидите, рука́ми восплѣщим, / от Нея рóждшагося Бóга славим.

Увядивъ страсти телесныя, яко древо узрѣся высоковерхое, / плоды чудесныя израца́я / и честная исправлѣния священноносá, Богоблаженне.

Исцели тя Господь явлѣнием Кири́лла чудотворца, / и разумѣ, яко от великия болѣзни вскорѣ переменися на здравие / и, возбнѣв* от видѣния, радовашеся, поя́ Господа.

* возбнѣв — проснувшись, очнувшись

Тьмам болѣзней приближихся аз, тѣлом нѣмоощен низлежѣ, Алексѣандре, ѡтче, / тем вѣрою зову ти: / болѣзни утоли сѣрдца моего.

Богородичен: Едина всем поможѣние, помози нам, бѣдствующим, / и руку подаждь, и к пристанищу введи спасѣния, / Отроковице Богоблагодѣтельная.

Кондак, глас 8.

Подобен: Взбранной Воеводе

Родителей своих любовь отринул еси / и дом свой, яко чужд, оставил еси, / водвори бо ся в пустыню, / и тамо виде Бог труды твои и подвиги, / пастыря и наставника избранному Своему стаду сподобляет тя / и по преставлении великими чудесы прославляет тя, / исцеляти различныя недуги. / Моли о нас Христа Бога, / празднующих любовь святую память твою, / да вси единогласно вопием ти: / радуйся, Алексѣандре преподобне, ѡтче наш.

Икос:

Другий, ѡтче, явися врач и предстатель / недуги одержимым и скорбимы, Алексѣандре чудотворче, / исцеляя всех, верно притекающих под Божественный кров твой, / тем и от нас слышиши: / радуйся, отца благаго корене; / радуйся, матери благия ветвь; / радуйся, иже тех любовь отринувый; / радуйся, иже единаго Бога приемый; / радуйся, яко оставил еси мирскую суету и дом / и Пречистыя Матери обители Кирилловы ограды достигл еси; / радуйся, яко тамо во иноческая облечлся еси / и извѣче всякому благочинию и добронравию; / радуйся, яко оттуду в Каргопольския страны преселился еси / и тамо в непроходимую пустыню вселился еси; / радуйся, яко в ней церковь великаго чудотворца Николы воздвигл еси, / и общий монастырь составил еси, и собрал еси ученик множество, / ихже страхом Божиим и твоим учением наставляемых, / до конца соблюди; / радуйся, яко миру явися столп непоколебим; / радуйся, светильниче, сияя чудесы. / Моли о нас Христа Бога, празднующих святую память твою, /

да вси единогласно вопиём ти: / радуйся, Александре преподобне, отче наш.

Песнь 7

Ирмос: Не послужиша твари Богомудрии / паче Создавшего, / но, огненное прещение мужески поправше, / радовахуся, поюще: / препетый отец Господь и Бог, благословен еси.

Сердце твоё Троице жилище соделал еси / и душу свою престол Божеству сотворил еси, / темже Божественною благодатию, отче Александре, / источаеши недужным исцеления, с верою приходящим.

Душа твоё, светозарением Божественнаго Духа освящается присто, / душ зряше верных, приходящих ти, свет, блаженне, и движания, / пророческими провиденьми священо удивляема.

Недуг, обуревающих мя, блаженне, души же и телесе, / твоими святыми молитвами скоро избави и пети сотвори: / препетый отец наших Боже, благословен еси.

Богородичен: Неизменно рождающая Единого Господа, Богорадованная, / десницею Его, Чистая, пременити ми ум молися к лучшим, / люте совращаемый житейскими печальми.

Песнь 8

Ирмос: Отроки благочестивыя в пещи / Рождество Богородичо спасло есть; / тогда убо образуемое, / ныне же действующее, / вселенную всю воздвизает пети Тебе: / Господа пойте, дела, / и возносите Его во вся веки.

Пребывающе ти в пустыни, яко на свещнице светильник, преподобне, / всех помышления верою просвещаяеши, / показуя изрядно словеси и дела стезю живота / и возводя сих Божественными словеси к высоте безстрастия.

Умом безстрастия очищен, беседоваше Господу Вседержителю, / от Него же неизглаголаным, преподобне, научаемь, пророчески предглаголаше, / просвещая души, яко велик, всеблаженне, Святаго Духа сподобися, / тем ты согласно, вернии, похваляем.

Постигóша мя рáны тяжкия, и недúги разлiчнии смущáют мя, / сих мя избáви, óтче, молю́тися, / я́ко от Бóга приём, Алексáндре, благодáть врачевáти стра́сти / и болéзни вёрным облегчевáти.

Богорóдичен: Явiся Ангел вiшши, Бóга неизречённо воплóщши, / Тогó умоли́, Влады́чице Всенепорóчная, плóтских вiшша страстéй бiти ми / умóм, высотóю смирénия, песнослóвлящему Твою вели́кую благодáть.

Песнь 9

Ирмóс: Всяк земнорóдный / да възигра́ется, Ду́хом просвещáемь, / да торжествует же Безплóтных умóв естество́, / почита́ющее священное торжество́ Богомáтере, / и да вопиёт: / раду́йся, Всеблаже́нная Богорóдице, / Чiстая Присноде́во.

Укрепiся Бóгу, ум ти утвердiвшу, удержи́ти стра́сти, / Ангел во плóти отсюду, óтче, бысть, / и со Ангелы на Небесéх живёши всегда́, и Небесныя сла́вы наслажда́еши, / Влады́чню предсто́ю Престóлу и Свёта Невечёрняго исполня́емь.

Тво́я священныя и святы́я мóщи, во грóбе лежа́ще, недúги погружа́ют, / и попада́ют полки́ бесóвския всегда́, му́дре Алексáндре, Бóжиею благодáтию, / и источáют всем исцелénия, вёрно ты при́сно блажа́щим.

Ужé Христóви приближа́ясь яснэйше и чистéйше, / помяни́ véрою ты помина́ющих, Алексáндре óтче, / грехóв прощénия нам прося́ и недúг всех избавлénия, / и Небеснаго Цáрства сподóбитися.

Богорóдичен: Просвети́, Чiстая, души́ моея́ óчи, Свет поро́ждшая, / да не пости́гнет мя грехóвная тьма тяжкая, / ниже́ глубина́ покры́ет мя отча́яния, / но Ты мя спаси́ и окорми́ ко пристáнищу Божéственнаго хотénия.

Светiлен.

Подóбен: Жены́, услышите:

Слы́шана бысть во всех странахáх превели́кая тво́я добродéтель и чудеса́, / отвсю́ду стека́хуся видети́ свётлое по Бóзе жити́е твоё, / áки свёта дневна́го, насладитися жела́юще, преподóбства твоегó.

Слава, и ныне, Богородичен:

Юже древле провозвесті пророческий собор, /
ручку, и жезл, и скрижаль, и несекóмую гóру, /
Марію Богоотроковіцу вёрно восхвалим днесь, с
Гавриїлом зовуще: / радуйся, Обрадованная.

На хвалітех стихіры самогласны, глас 8:

О, преслáвное чúдо, / сиянием Дúха Пресвятáго
просвещся, Алексáндре Богомúдре, / иногда тебе
ещё живу сýщу во обітели чудотворца Кирилла, /
родітелю твоёмú найде некая напасть от земнаго
властелина, / ты же, святе, того избáви молитвами
твоими / и преселітиса оттúду повелé: / такожде,
блаженне, и по твоём отшествии к Бóгу / во
обітели своёй отéчески наказúеши некоего
священноинока / и пáки мѝлуеши и избѝти от
обітели не повелевáеши; / и иному священноие-
рёю, нóги имúщу больны, / на многа лéта исцелé-
ние даровáл еси, / и йны многи наказúеши. / Моли
спастіся душáм нáшим.

О, кáко возможем достóйно похваліти / преслáв-
ная чудесá твоя, блаженне Алексáндре слáвне, / не
тóкмо бо приходящим к мощém твоим исцелéния
различная подавáеши, / но и в дальних странах
призывáющих тя спасáеши. / Некогда бо юноша,
странствуя по многим странáм, / прииде в твою
честнúю обитель послужіти, / не имéя язýка на
многа временá, / вб́резану бо сýщу в гортáни егó
из кóрене, / ты же, святе, исцелéние даровá, / и
пáки юноша проглагóла, / сего́ рáди, блаженне, во
всех странах хвáльно ймя твоé. / И ныне моли
умиріти мир и спасті дúши нáша.

О, преслáвная чудесá Бóжия милосёрдия / в
нáших странах содеýшася: / одарі бо нас Бог,
люди Своя, / Своим угóдником, преподóбным Алек-
сáндром, / пáче зláта и сапф́ира кáмене, / не лóжна
бо есть псалóмская писáния: / праведник, я́ко
ф́иникс, процветёт. / Тако и нáша страна
просветіся / в последнем рóде сим светільником, /
рáка же преподóбнаго, идéже леж́ит трудолю́бное
тéло егó, / всем подаёт исцелéния: / слепым прозрé-
ние, хромым хождéние, / и б́сныя многи исцели, /
разслабленныя востягнú, / нищим и сиротáм бысть

печа́льник, и вдови́цам заступник, / и нам, своим ученико́м, корми́тель и проми́сленик / и о всем ми́ре моле́бник. / Моли́ о спасе́нии душ на́ших.

Сла́ва, и ны́не, глас 8:

Прииди́те вси, собери́тесь наро́ды на́шего гра́да, / му́жи, и жены́ Боголю́бныя, и до ссу́щих младе́нец, / и пригра́дия, и око́льные ве́си, / ино́цы священни́и, иере́и и леви́те, / ино́цы, иноки́ни и до про́стых люде́й, / духо́вно возвесели́мся в наро́чitom пра́зднице / но́ваго чудотво́рца, блаже́ннаго Алекса́ндра, / и, всечестну́ю па́мять его́ любе́зно почита́юще, / того́, а́ки цвёты, пёсньми и похвала́ми увязе́м, реку́ще: / ра́дуйся, сла́вне, Небе́сный челове́че, / земный А́нгеле и Ду́ха Свята́го оби́телище; / ра́дуйся, я́ко Ева́нгельскому глаго́лу последо́вал еси́, / и восприя́л еси́ в тле́нных ме́сто нетле́нно, / и прешёл еси́ от си́лы в си́лу, / от тле́нная сла́вы во сла́ву; / ра́дуйся, ве́рным люде́м похвало́ и утвержде́ние; / ра́дуйся, оте́честву пресве́тлый свети́льниче / и моли́твенниче о душа́х на́ших.

И ны́не, пра́здника. Славосло́вие вели́кое.

На Литургии́ служба́ вся преподо́бным.

Преподо́бный Александр Ошевенский (в миру Алексей) родился 17 марта 1427 года в Вышеозерской волости в 80 верстах от Белозерска, в семье состоятельного земледельца Никифора Ошевина и его супруги Фотинии. Алексей был пятым ребенком в семье. Он родился по усердным молитвам Фотинии, которой явилась Божия Матерь и обещала рождение сына по ходатайству преподобного Кирилла Белозерского (†1427; память 9 июня). Алексей с детских лет отличался кротостью, послушанием, любовью к посту и молитве. Родители видели в нем опору своей старости и наследника. Мальчика обучили грамоте и прививали ему навыки ведения хозяйства. Когда Алексею исполнилось 18 лет, его хотели женить. Однако юноша стремился к иноческому житию и ушел в Кирилло-

Белозерский монастырь. В течение шести лет Алексей был послушником. В 1453 году он принял монашеский постриг с именем Александр. Подвижническая жизнь преподобного Александра вызывала удивление братии монастыря. Боясь славы, преподобный просил игумена благословить его уйти из обители и жить уединенно. Игумен не сразу благословил молодого инока на отшельническую жизнь, но, видя неотступное желание преподобного Александра, исполнил его просьбу. В то время родители святого поселились у реки Чурьюги, в месте, получившем название Ошевенской слободы. Побывав у родителей, преподобный Александр избрал недалеко место для своей пустыни—в глухом лесу на берегу Чурьюги (около сорока верст от Каргополя). Он водрузил на том месте



крест и дал обет Богу пребывать здесь до конца жизни. Затем преподобный Александр вернулся в Кирилло-Белозерский монастырь, где был посвящен в диаконский сан. Игумен благословил преподобного на основании новой обители иконами Божией Матери Одигитрии и Святителя Николая Чудотворца. Вместе с преподобным Александром в пустынь отправился старец-монах из Кирилло-Белозерского монастыря, но, не выдержав трудностей пустынной жизни, вернулся обратно. По возвращении на избранное им место преподобный Александр приступил к строительству храма. Вскоре архиепископ Новгородский Иона (1459—1470) рукоположил его в сан пресвитера и поставил игуменом основанного преподобным монастыря. Для собравшейся братии преподобный Александр ввел строгий общежительный устав. Иноки должны были хранить

молчание за трапезой и в храме, в келлиях — заниматься рукоделием и молиться, во время исполнения послушаний — непрестанно творить Иисусову молитву или петь псалмы. Преподобный Александр показывал другим пример подвижничества и трудолюбия, он выполнял в монастыре самые тяжелые работы: очищал лес, готовил под пашню землю и засеивал ее. Двадцать семь лет преподобный Александр совершал монашеские подвиги в своей обители. Однажды во время болезни ему явился преподобный Кирилл Белозерский и, исцелив, обещал помогать во всех его трудах. По молитвам своего Небесного покровителя преподобный Александр благоустроил монастырь и мудро руководил духовной жизнью не только братии, но и многих мирян, приходивших к нему за наставлениями. Преподобный Александр мирно скончался 20 апреля 1479 года. Нетленные мощи преподобного Александра Ошевенского были обретены при строительстве нового храма во имя Святителя Николая Чудотворца. По распоряжению митрополита Московского Антония, они были свидетельствованы епископом Вологодским Варлаамом. Тогда же была написана икона преподобного Александра, согласно рассказам знавшего его старца и иноков, которым преподобный являлся. Позднее мощи святого хранились в Успенском храме обители, в приделе во имя преподобного Александра (освящен в 1712 году). В 1567 году иеромонахом Ошевенского монастыря Феодосием написано житие преподобного Александра. Источником для жития послужили сохранившиеся воспоминания его родных и рассказы старцев, живших в монастыре еще при его святом основателе. В Иконописном подлиннике есть описание преподобного Александра: «Подобием брада черна, надседа, подоле мало Никодима Кожеозерскаго, и власы главные черные; ризы преподобническия и в схиме».

**Святаго мученика Гавриила младенца,
Белостокского****ВЕЧЕР**

**Блажен муж: 1-й антифон. На Господи, возвах:
поставим стихов 8, празднику 3 и святому 5, глас 1:**

Аще не обратитесь и не яко младенцы незлобивии пребудете, / не можете в Царствие Небесное внити, — / сиче научает други Свой Христос, / имже чашу страстей Своих обещавет пити; / сию убо спасительную чашу и Гавриил младенец приемлет, / младенческим незлобием мученический венец преукрашая / и того ради сугубое стяжав дерзновение, / во еже молитися о спасении душ наших.

Глас 2: Стекается соборище иудейское, / от Бреста же и Белостока, / да непорочнаго младенца мукам предаст. / О, беззаконных, о, неверных! / сего непротивлением не вразумившихся, / и младенческую кровь до конца истощивших, / и родители того обезчадствовавших, / но мы, святаго мученика благоговейно почитающе, / того днесь призовем в молитву, / о еже таковаго жестосердия нам избавитися / и спастися душам нашим.

Не плачите, родители убиеннаго от иудей отрочате, / егоже хладное тело, / от плотоядных птиц чудесне охраняемое, обретосте; / не плачите и не рыдайте, / сие истерзано от мучителей зряще, / зане дух Гавриилов уже со Ангелы радуется, / поруганное же тело его тлению не приступно явится / и яко источник исцелений всем верным во веки пребудет, / во уверение истинныя веры / и во спасение душ наших.

Оле безумия иудейскаго! / ибо и пси разумнее вас явйшася, / никакоже телесе святаго коснутися дерзнувше, / но сие от вран охранивше тщатель-но, / неверствие ваше обличающе / и христианскую веру утверждающе, / весть бо Господь и безсловесными тварьми Свой угодники прослав-

ляти. / О, блаженный жребий святых Твоих, Господи, / ихже молитвами просвети и спаси души наша.

Слава, глас 8:

О, ужаснаго твоего подвига, / младенче святой Гаврииле! / О, тяжких мук твоих, надолзе претерпённых! / Воистинну укрепляющей благодати Божией / достоин явился еси / и древним седми Маккавеем / твердостью души уподобился еси, / от недостойных единоплеменник тех умерщвляемь, / но всеми страшными терзаниями Христа не отлучившись / и духом чистым к Нему преселившись, / нас же молитвою твоею в вере утверждаяй / и твоей ревности подражати научаяй.

И ныне, праздника.

Вход. Прокимен дне и чтения 3 мученическая
(зри страницы 138—140).

На литии стихирь праздника или храма.

Слава, святому, глас 4:

Младенец и мученик и веры истинныя утверждение, / святе Гаврииле, явился еси / и безумие иудейское нетлением твоего телесе обличил еси, / темже и нас противу неверия и ереси молитвами твоими укрепил / и Царствия Небеснаго учение вложил в сердца наша, / да ты прославим, заступника нашего, / подающего душам нашим мир / и всем, призывающим тя, велию милость.

И ныне, праздника.

На стиховне стихирь, глас 3:

Кто не умилился сердцем, / муки твои поминай, блаженне, / яже чрез девять дней от нечестивых претерпевати избавил еси? / Первее бо, кровь твою помалу изливше, / еле жива суща ты оставиша иудеи, / да множайшим мукам предадут твое непорочное тело, / еже и смерти предавше конечным крове истощанием, / на ниву в день Святой Пасхи тебе безстыдне извергоша; / мы же, твои безчисленныя раны целующе, / подвиги твои тепле прославляем.

Стих: Праведник, яко финикс, процветет, / яко кедр, иже в Ливане, умножится.

Собравшимся на конéчное убиéние Гавриíла младéнца иудéом, / тогó ужé измúченное тéло на стенé рáспято бысть, / и рéбра е́му ору́жием мно́гажды прободóша, / ниже́ стенáниями егó умили́шася нечестíвии, / ниже́ об отмщéнии Госпóдни помы́слити хотя́ху, / но сегó, я́ко мученика, прослáви Христóс Бог наш / и я́ко подóбника Своея́ спасительныя стра́сти / христиáном чтíti повелева́ет.

Стих: Насаждéни в домú Госпóдни, / во двóрех Бóга нашeго процветúт.

Зри, о душé мой окаянная, / каковóе мúжество во младéнчестем телесí явля́ет Гавриíл мученик, / како́ той от Христа́ не отречéся, / áще и пáче седми́цы мучéниям предава́шеся; / не обленíся úбо, душé мой, / протíву страстéй подвизáтися, / устыдíся младéнца блажéннаго, / мно́жество мучítелей победíвшаго, / и томú со усérдием помолíся, / да на невидимыя врагí победítель явíшися.

Слáва, глас 7:

Ужас бе вíдети родítелем младéнческое тéло, лóте истёрзано, / на нíве посреде́ псов, áки стра́жей вёрных, лежа́щее, / из негóже всю кровь мучítели извлекóша / и кóжу егó повсю́ду прободóша, / обáче Божéственная слáва, чрез зверéй я́вленная, / отцú и мáтери слéзы на уповáние преложí, / и véру Христóву в россия́стех лю́дех утвердí, / и нас к пéнию слáвы твоея́, мучениче, воздвизáет.

И ны́не, прáздника.

На благословéнии хлéбов тропáрь, глас 5:

Святýй младéнче Гавриíле, / ты за Прободéннаго нас рáди от иудéй / лóте от óнехже в рéбра прободён был есí / и за Истощíвшаго кровь Свою́ за нас / все тéло твоё на истощéние крóве / в лю́тыя я́звы предал есí, / ны́не же во слáве вéчней с Ним вселíлся есí. / Тем помяни́ и нас, мо́лим, зде́ чтúщих пáмять твою́, / прося́ нам здра́вие телесí / и спасéние душáм нашим.

НА УТРЕНИ

На Бог Господь: тропарь праздника, дважды. Слава, святого. И ныне, праздника.

По 1-м стихословии седален праздника или сей, глас 1:

Воссия нам память мучений твоих, Гаврииле, / о младенцах к Богу ходатаю теплейший, / мужем же и женам терпения учителю; / приидите, того подражаем подвиги и на бесовския прилоги мужественно ополчимся, / младенца мученика в помощь призывающе.

Слава, и ныне, праздника.

По 2-м стихословии седален праздника или сей, глас 2:

Написовашеся в летописи Заблудовстей, / яко убиенный от иудей Гавриил младенец / тойже в книзе животней написовашеся, яко мученик и чудотворец, / егоже молитвами и нас да не изгладит из книги живота / Христос и Спас душ наших.

Слава, и ныне, праздника.

Псалом избранный мучеником и величание:

Величаем тя, / страстотерпче святой, младенец Гаврииле, / и чтим честная страдания твоя, / яже за Христа / претерпел еси.

По полиелееи седален, глас 3:

Излиянною твоєю кровию, Гаврииле, мучениче Христов, / иудейское нечестие посрамляется, / и еретическая блуждания обличаются, / и недужи различные исцеляются, / и души наша верою спасаются.

Слава, и ныне, праздника.

Степенна, 1-й антифон, 4-го гласа. Прокимен, глас 4: Праведник, яко финикс, процветет, / яко кедр, иже в Ливане, умножится. Стих: Насаждени в дому Господни, во дворех Бога нашего процветут. Всякое дыхание: Евангелие от Луки, зачало 63. Также, Воскресение Христово видевше:

По 50-м псалмѣ стихира, глас 2:

Днесь льстивными словесы младенец из дома
отца изводится, / днесь неповинная того кровь
проливается, / и в подземная святыи Гавриил от
иудей заключается, / и мучителей соннице собира-
ется, / днесь совет злобы исполняется / и лютотой
смерти отроча предаётся, / дух же его Небесным
чином сочетается, / и мы тому вопиём, умилно
глаголюще: / спасай нас предстательством твоим, /
угодниче Божий и мучениче Христов, Гаврииле
блаженне.

**Канон праздника на 6 и святаго на 8, егже
краегранесие: Младенца молитвами спаси мя.
Глас 4.**

Песнь 1

Ирмос: Лицы израильтестии / невлажными
стопами / понт Чермный и влажную глубину
прогнавши, / всадники тристаты,* враги, видяще в
ней погружены, / с веселием пояху: / поим Богу
нашему, яко прославися.

Младенче и мучениче, чудотворче и болезней
целителю, Гаврииле, угудниче Христов, / досто-
йными словесы твои подвиги восхвалити недо-
умею, / обаче твоего терпения и незлобия красо-
тою умиляюся, / сих дарований причастника и
мене покажи, твоего молитвенника.

Людие российстии от иудей умученнаго младен-
ца видевше, / от псов же несмысленных, яко
сокровище, охраняема, взываху: / Господи, того
молитвами помилуй нас.

Анна смиренномудренная, Гавриила мученика
мати, / со отцем его Петром трудолюбивым слезы
на радость преложивши, / своего отрочате уведевше
неувядаемую славу.

Богородичен: Жезл Ааронов прозябший, иже от
Иессея проображаше израстший корень, / Тя,
Пречистую, цвет миру возсиявшую, Бога вопло-
щенна, / Егже о нас молящи не престай, Присно-
дево, прибегающих к Тебе.

* тристаты — военачальники

Песнь 3

Ирмос: Яко неплоды роди от язык Церковь, / и многое в чадех изнеможе сонмище, / чудному Богу нашему возопийм: / Свят еси, Господи.

Добро было бысть вам не родитися, нечестивии мучителие, / зане отраднее будет Содому и Гоморру в День Судный, / неже Христова исповедника убийцем. / Того молитвами, Господи, утверди православных веру.

Егда подписание, еже о твоём мучении, от иудеев бывшем, мучениче, / сотвориша судий заблудовстии, / тогда истёрзанное тело твоё земле благочестно предаша людие. / Но прошедшим тридесатым лётom тебе же тлению непричастно обретоша / и Господне о тебе промышление прославиша.

Нищим и обидимым близ есть Господь: / Той бо, от нищих родителей отъяти чадо попустив нечестивым, / паче царей земных безчадных прославляет, / зане и цари и святителие тех отрочати молитвенно преклоняют колена.

Богородичен: Яко носиши на руку, Марие, / и от сосцу питаеши Питающего всякое дыхание, / Егоже, Богородице, чтуще, проповедаем: / молися Ему, Чистая, о всех нас.

Кондак и йкос праздника.

Седален святого, глас 8:

О, каковая мучения твоя, отроча, Богу возлюбленное! / О, каковая терпения твоего крепость, / избодение бо, и медленное крове испущание, / и плоти твоея раздирание за Христа приял еси, / но Того ради заступник о страждущих младенцах у Христа Бога являешься, / матери твоея, обезчадствованней бывшей, / всем матерем, о чадех молящимся, утешитель бываеши / и молишися присно о спасении душ наших.

Слава, и ныне, праздника.

Песнь 4

Ирмос: Услышах Твое, Христэ, войстинну преславное, / яко безсмертен сый Бог / уподобися

смёртным челове́ком / и пребы́ть, е́же бе, / и то́го ра́ди Твою́ сла́влю си́лу.

Царём и мучи́телем прекло́ниша вѣи своя́ на уби́ение дрѣвнии мученицы, / тех подобник бы́сть Гаври́ил младе́нец, / кровь свою́ непови́нную на истерза́ние отда́в иуде́ом жестокосе́рдым. / Госпо́ди, то́го моли́твами вложи́ ре́вность о сла́ве Твое́й в ду́ши на́ша.

Аще и в те́мней погребни́це заклю́чиша тебе́ иуде́е, о мучени́че, / а́ще и стра́шными му́ками тебе́ умертви́ша, / но а́бие во све́тлый черто́г Госпо́день дух твой, ра́дуясь, всели́ся, / иде́же со А́нгелы о сла́ве Госпо́дней днесь лику́ет.

Ми́лостив бу́ди к мо́им немо́щем, мучени́че святы́й Гаври́иле, / моего́ малоду́шия не возгну́шався, проще́ние ми от Госпо́да испроси́, / и́же себе́ за ве́ру Егó не пощади́вый / и в младе́нчестем телеси́ То́го просла́вивый.

Богоро́дичен: Тебе́, Присноде́вую и вои́стинну еди́ну Богоро́дицу, сла́вим, / Ю́же прообра́зоваше Богови́дцу Моисе́ю неопáльно, Пречи́стая, / купи́на, огню́ примеси́вшаяся.

Песнь 5

Ирмо́с: Просвеще́ние Твоё, Госпо́ди, низпосли́ нам / и от мглы́ прегреше́ний разреши́ ны, Бла́же, / Твой мир да́руяй.

Образ злострада́ния Гаври́илова при́емем, бра́тие, / и своего́ о ве́ре нераде́ния устыди́мся, / от убива́ющих те́ло не убои́мся, / но Имущему́ власть по уби́ении в ге́енну о́гненную вве́ргнути, / То́му со стра́хом повини́мся, / страсоте́рпца свята́го в по́мощь призыва́юще.

Лю́та есть му́ка, но сла́док рай, / болезненно на землѣ́ безча́дие, но неисчерпа́емо утеше́ние на́ше, — / роди́теля Гаври́илова взыва́ху, — / от земных бо печа́лей ча́до на́ше к ве́чной ра́дости пресе́лися.

И́же о болезнех и му́ках ча́д своих скорбя́ще, роди́телие, / с ве́рою ко грóбу Гаври́илову припа́дите, / есть бо заступник о них пред Хри́стом, / я́ко кровь свою́ за испове́дание и́стинныя ве́ры изли́вый.

Богорóдичен: Мучителей рáзум дéвственное посрамí чрево:/ Младéнец бо язву áспидную душегубную испытá рукою / и, отступника гóрдаго низложив, вёрным под нóзе покорí.

Песнь 6

Ирмос: Возопí, прообразуя погребéние триднёвное, / прорóк Иóна, в ките моляся: / от тли избáви мя, Иисусе, Царю сил.

Твоих раб молéния не отвёржи, младéнче премудре, / твоёю славою умиляющихся и твоя пóдвиги со умилённым сёрдцем воспевающих, / áще терпéния твоего не стяжавших, / но испрáвити житиé своё желáющих.

Всяческих сокровищ, íмиже земля украшáется: / зláта, и бисера, и каменíй многоцéнных, / честнейша суть святых угóдников нетлénныя мóщи, / íми бо благодáтная сíла Бóжия дéйствует, / сию úбо нам испросí, угóдниче Христóв, / во исцелéние душ и телес нáших.

Áще и мнóгая гонéния правослáвнии христиáне от иудей и от еретик прияша, / óкрест слáвныя обителè твоёя живúции, / обáче стояние твоё о íстинней вéре воспоминающе, / от прославлéния íстиннаго Бóга и твоего предстáтельства никакоже отпадóша.

Богорóдичен: Дрéвле úбо прельстí мя змий / и уморí мя прамáтерию моёю Ёвою, / нýне же, Чíстая, Тобóю Создáвший мя из истлéния воззвáл есть.

Кондák, глас 6:

Отéчество твоё Зверкí бысть, / мучениче Христóв Гавриíле, / идéже от íстых зверей— иудеев восхищён: / áбие родителей лишён еси, / тáже вся поряду люте претерпéв, / в отéчество Небéсное преселíлся еси. / Восхищáй и нас зде от всяких напáстей и скорбей / и умоли, молим тя, / улучíти вéчное наследíе твоё.

Ўкос:

Прослáвим, брáтие, Гавриíла младéнца, о Христé злострадáния приявшаго, / той бо, я́ко ягнá

незлѡбиво́е, льстѣиво́му иудѣю послѣдовав, / из до́ма
 ѡ́тча восхище́н бысть / и в те́мную погребни́цу
 вве́ржен, / ужасна́я же терза́ния и избодѣ́ние
 плѡти своѣя́ претерпе́в надѡ́лзе, / я́ко же́ртва
 чи́стая Трѡ́ице принесѣ́ся / и мно́гая заступле́ния о
 моля́щихся ему́ чрез мно́гая ле́та показу́ет, / вся
 приходя́щая в це́рковь е́го зра́ком нетле́ннаго
 телесе́ своего́ умиля́я. / Тому́ у́бо возопи́им: / умоли́,
 мо́лим тя, улучи́ти и нам ве́чное насле́дие твоѣ́.

Песнь 7

Ирмо́с: Авраа́мстии ино́гда в Вавило́не ѡ́троцы /
 пе́щный пла́мень попра́ша, / пе́снями взыва́юще: /
 оте́ц на́ших Бо́же, благослове́н еси́.

Ма́терей скорбя́щих утѣшителью, / младе́нцев бо-
 ля́щих целителью, Гаври́иле, угѡ́днице Хри́стов, /
 ду́шу мою́, скорбя́щую о гресе́х своих, утѣши и
 исцели́ / и сию́ над плѡ́тию госпо́жю моли́твою
 твоѣю соде́лай, / своѣя́ плѡти Хри́ста́ ра́ди не
 пощади́вый.

Или́ не разумѣ́ете, нечестѣ́ивии иудѣи, / я́ко Бо́га
 оте́ц ва́ших врага́ себе́ соде́ловаете, / Того́ созда́-
 ние непови́нное лю́те терза́юще / и сицевы́м дея́ни-
 ем приноси́ти ему́ служ́бу мня́ще, безу́мнии. /
 Го́споди, Гаври́ила моли́твами ча́д их серде́ца
 умягчи́ / и серде́ца на́ша от сицевы́я лю́тости
 изба́ви.

Слуцк град вои́стинну блаже́н есть, / та́мо бо
 прошѣ́дшим пяти́десятым шестѣ́м ле́том положи́ся
 му́ченика Гаври́ила нетле́нное те́ло, / та́мо до
 днесь слѣ́зы, моли́твы и благодарѣ́ния пред грѡ́бом
 е́го / от ма́терей о ча́дех своихъ изли́ваются / и всех
 ве́рующих приѣ́млются моле́ния.

Богоро́дичен: Превы́шши тва́рей всех еси́, / я́ко
 Творца́ ро́ждши и Го́спода. / Те́мже Ти вопи́ю,
 Богоро́дице: / Благослове́нная, Госпо́дь сил с
 Тобо́ю.

Песнь 8

Ирмо́с: Ра́дующесе́я по осужде́нии му́чи́тельством
 ѡ́троцы, / я́ко да не бого́м сквер́ным послужа́т
 всем, / но Живо́му Бо́гу, / на о́гнь дерзну́ша, / от
 А́нгела же ороша́еми, песнь по́яху: / дела́

Господня, Господа пойте / и превозносите во вся веки.

Птицы сыроядцы, над истёрзанным телом мученика реюще, / и пси глэднии, сия отражающе и тело мученика храняще, / обличителие злодеяния иудейскаго явишася, / славы же святаго немии проповедницы.

Аще и зверие глэда своего о святом телесе утолити не дерзнуша, / како убо злоба иудеев тем насыщашеся? / Како ти, чудо зряще, не покаяшася? / зри, о душе моя, сих ожесточение, и ужаснися, / и святому сему помолися, да от всякия злобы тебе вину ограждает.

Слезы умиления о подвизе и о славе младенца и мученика проливающе, братие, / своего окаянства восплачим и своего нерадения устыдимся: / аще бо тако Богу угодн младенец малый, / почто мы, мужие, суще о сем небрегохом?

Богородичен: От ребра Адамова создавый Тя, / от Твоего девства воплотися, Иже всех Господь, / Егоже поюще, вопием: / вся дела, благословите, пойте Господа / и превозносите во вся веки.

Песнь 9

Ирмос: От земнородных рождшия и Творца рождшая, / наша похвало, Богородице Чистая, / Тя, яко владычествующую тварьми, величаем.

И ныне, угодниче Божий Гаврииле, / о народе российстем буди пред Господом предстатель, якоже древле: / тогда бо от иудей и еретик мучения христиане приимаху, / ныне же от обою соблазном вдаются люте, / темже твоего стояния даруй нам память / и о подражании тебе ревность благу.

Мысленнаго убийцу души моея, сию поглотити ищуща, / побеждати помози ми, Божий угодниче, / тело свое на истерзание предавый, / но душу свою непорочно от тех устрашения сохранивый / и Христу, аки дар честен, страдания своя принесый / и сего ради от Него благодать приявый, / во еже молитвы наша Престолу славы Его присно возносити.

Язвы, на твоё младенческое тело от иудей возложенныя, / язвы врагу спасения нашего яви-

шася, / демонов победителю, Гаврииле блаженне, / от ихже мучительства избави души наша / и над тех искушений победители предстательством твоим яви нас.

Богородичен: От земнородных возрастши и Зиждителя рождши, / радуйся, наша похвало, Богородице Чистая, / Тя, яко обладающую тварьми, величаем.

Светилен.

Подобен: Плотию уснув:

Плоть на растерзание иудеом вдавшего, / дух же свой Богу предавшего, / днесь воспойм во младенцах мученика, / того приводяще в молитву о умирении Церкви и о спасении душ наших.

Слава, и ныне, праздника.

На хвалитех стихиры праздника 3 и святого 3, глас 5:

Радуйся, младенцев похвало преславная; / радуйся, мучеников сопричастниче / и российского народа славо пречестная, / от темных погребницы просиявшая / и православных сердца просветившая. / Радуйся, молитв матерей скорбящих скорый слышателю; / радуйся, двоедушных человек молчаливый обличителю. / Помози убо нам, праведниче Божий, / за святую веру крепко подвижатися / и молитву сотвори о спасении душ наших.

Радуйся, чудес источниче, / сам же чудо долготерпения явивыйся; / радуйся, младенческую чистоту с мужеством мученика сочетающий / и иудейское злочестье посрамивый. / Радуйся, Российской стране сокровище неоцененное / в твоих святых мощех даровавший / и моление теплое ко Христу возносяй / о умирении мира, и Церквей стоянии, / и о спасении душ наших.

Радуйся, сердца всех человеков умиляяй; / радуйся, твоим мучительскому насильству противлением / и хладная души покаянием сокрушаяй. / Радуйся, смиренных сердцем и нищих утешение, / и младенцев непостыдное упование, / и иноков Евангельскому младенчеству учителю, / и молитвенниче о душах наших.

Сла́ва, глас 2:

Страсте́й Христо́вых седми́цу соверша́ющим христиа́ном / и ду́ши сво́я ко срéтению Святы́я Па́схи приуготовля́ющим, / Гаври́ил младе́нец от иуде́й страсть приима́ше / и, на стене́ поgréбницы те́мныя распина́емый / за распя́таго Спа́са, / кровь сво́ю излива́ше, / прише́дшу же дню́ Господня́ Воскресе́ния / дух егó ко Христу́ в Небе́сная селе́ния оты́де, / плоть же егó иуде́и вне гра́да изверго́ша, / но сия́, нетле́нна пребыва́ющи, / да́же до днесь о́бщее воскресе́ние пропове́дует / и уго́дника умоля́ти нас науча́ет, / да мо́лится непреста́нно о душа́х на́ших.

**И ны́не, пра́здника.
Славосло́вие вели́кое. И отпу́ст.**

НА ЛИТУРГИИ

Блаже́нны от канóна пра́здника песнь рядова́я и свята́го песнь 3-я. Прокímeн, глас 4: Из уст младе́нец и ссу́щих / соверши́л еси́ хвалу́. Стих: Небеса́ пове́дают сла́ву Бо́жию, творе́ние же руку́ Егó возвеща́ет твердь. Апóстол, зача́ло 58 от полу́. Бра́тие, отложивше́ всяку зло́бу и лесть: Ко́нец: Ны́не поми́ловани бы́сте. Ева́нгелие от Матфе́я, зача́ло 74. Прича́стен: Из уст младе́нец и ссу́щих соверши́л еси́ хвалу́.

зри Аще случится́ па́мь свята́го Гаври́ила младе́нца во свята́й и вели́кий вто́рник, или́ в вели́кую сре́ду, или́ в четвёрто́к, и поём службу́ егó в неде́лю Ва́ий, я́коже в Ти́шице, во главе́ о хра́мах показáся. Аще ли бу́дет па́мь егó в вели́кий пято́к, или́ в суббо́ту, или́ в са́мый свята́й день Па́схи, и поём службу́ егó в понеде́льник Па́схи; аще ли в той понеде́льник бу́дет па́мь свята́го Гео́ргия Победоно́сца, и поём службу́ свята́го Гаври́ила во вто́рник Па́схи. Прóчее же поём егó службу́ по уста́ву дне свята́го Гео́ргия Победоно́сца, я́же есть в 23-й день ме́сяца апре́ля. Си́е же разумей, я́ко иде́же указа́ся канóн, или́ стихи́ра, или́ тропа́рь ре́кше пра́здника, несть у́бо се пра́здник са́мья свята́я Па́схи, но по Триóди дне тогó, си́е есть седми́чнаго дне Антипа́схи или́ Миронóсиц, или́ разсла́бленнаго, или́ Преполовéния, в о́ньже день обра́щещи в Триóди подоба́ющия стихи́ры, и канóны, и седа́льны.

Аще ли бу́дещи пeти службу́ свята́го Гаври́ила, кроме́ Пятидeся́тницы или́ неде́ли цветоно́сия, во ин день го́да, и тогда́ вме́сто канóна пра́здника глаго́ли канóн Богоро́дицы от Окто́иха насто́ящаго глása и Богоро́дичны воскрeсны

стихир, и седальнов, и тропарей и светильна в тойже глас, точию на Господи, возвах: Богородичен первый настоящего гласа. Аще ли будет кое-либо по праздниство, то паки ин устав обрящеши, како подобает тогда правити память святаго, имущаго полиелей или бдение: есть бо сему образ января в 11-й день на память преподобнаго Феодосия Великаго и по праздниства Богоявления. Тожде и в главах Типикона о храмах обрящеши.

Молитва

Младенческаго незлобия хранителю и мученическаго мужества носителю, Гаврииле блаженне, страны нашей адаманте драгоценный и иудейскаго нечестия обличителю! К тебе мы, грешнии, молитвенно прибегаем и, о гресех своих сокрушающесея, малодушия же своего стыдящесея, любовию зовем ти: наших скверн не возгнушайся, чистоты сый сокровище, нашего малодушия не омерзй, долготерпения учителю, но паче сих, немощи наша от Небес видя, тех исцеления нам твоєю подаждь молитвою и твоєю Христу верности подражатели нас быти научй. Аще ли терпеливно крест искушений и злостраданий понести не возможем, обаче и тогда милостивыя твоєю помощи не лишй нас, угодниче Божий, но свободу и ослабу нам у Господа испросй. Таже и молящися о чадах своих матери услыши, здравию и спасению младенцем от Господа податися умоляй. Несть таковаго жестокаго сердца, еже слышанием о муках твоих, святый младенче, не умилится, и аще кроме сего умиленного воздыхания никоегоже благаго деяния принести возможем, но и таковым умиленным помыслом наши умы и сердце, блаженне, просветив, на исправление жития нашего благодатию Божиею нас настави. Вложи в нас о спасении души и о славе Божией ревность неустанную и о чаше смертнем память неусыпную хранить помози нам. Наипаче же в смертнем успении нашем терзания демонская и помыслы отчаяния от душ наших предстательством твоим отжени и сия упованием Божественнаго прощения исполни, во еже и тогда и ныне славити нам милосердие Отца, и Сына, и Святаго Духа и твоє крепкое заступление во веки веков. **Аминь.**

Святой мученик-младенец Гавриил Белостокский (Заблудовский) родился в 1684 году в деревне Зверьки Гродненского повета, в семье православных родителей Петра и Анастасии Гавдель. В 1690 году, в день, когда родителей не было дома, младенец был увезен в Белосток евреем-арендатором, где и претерпел мученическую кончину. Тело святого мученика-младенца было найдено и предано христианскому погребению.

Через 30 лет после погребения мощи святого Гавриила оставались нетленными. В 1746 году храм в Заблудове, в котором был погребен младенец, сгорел (возможно, был сожжен), но святые мощи уцелели. Они были перенесены в Слуцкий Троицкий монастырь. Тогда же было установлено празднование святому мученику Гавриилу. Слуцкий архимандрит Михаил Козачинский составил стихотворную повесть о мученике Гаврииле.

В
ТОЙЖЕ
ДЕНЬ



Преподобнаго Иоасафа Сербскаго, Метеорита

НА ВЕЛИЦЕЙ ВЕЧЕРНИ

На Господи, воззвах: **стихиры на 8: праздника 3 и преподобнаго 5, глас 4:**

Распьялся еси миру / и взял еси на рамена крест, / Слова Божия стопам последовал еси, / житейскую же любовь и всякое пристрастие отряс. / Отонудуже и добродетельми просияв, / Божественными делами наследие вечное, Иоасафе, восприял еси.

Божественным промыслением наставлен быв / и просвещен Трисиянною Богоначальною светлостью, / мир оставил еси и мглу страстей, / к Небеси же ведущую стезю шествовал еси, / имея Помощника единого Благодетеля / и Всещедраго Господа.

Украсився светлостью разума, / душу твою просветил еси Божественными заповедями / и, вся земная оставив, / монашески жити избвлил еси, / соблюдая заповеди Христовы, / Егбоже моли, преподобне отче Иоасафе, / да спасет души наша.

От детства жизнь свою Христу Богу возложил еси, / преподобне отче Иоасафе, / и, худшее покорив лучшему, / плотския страсти помыслу повинул еси, / к мудрому же старцу Афанасию пришел еси / и с ним раноангельно на земли пожил еси, / равноангельную же честь достойно получил

есї./ Тѣмже моли́ся с ним ко Гóсподу,/ да спасѣт дѹши нáша.

Возлюбїв красоту́ Божѣственную в домѹ Господни,/ идѣже шум прáзднующих, радостно пою́щих,/ вся красная мїра сегó,/ Иоаса́фе всечестне, оста́вил есї,/ обветшáвшего же чело́века совлѣкся,/ незавїстным воздержáнием/ облѣклся есї в нóваго по Христѹ,/ Егóже моли́, да спасѣт дѹши нáша.

Слáва, глас 6:

Смирѣнием благосты́нным украшáясь,/ преподóбне óтче Иоаса́фе,/ вознѣлся есї к высотѣ добродѣтелей/ и безсмѣртную жизнь и блажѣнство получил есї,/ укрепляем вѣрою, надеждою и любóвию./ Тем мо́лим тя, преблажѣнне,/ Христа́ Бóга моли́ о нас,/ вѣрою твою́ пáмять совершáющих,/ спастїся нам напáстей, и треволнѣния,/ и бѹри, и бед, и страстѣй/ и всемѹ мїру мир даровáти.

И ны́не, прáздника.

Вход. Прокїмен дне. И чтѣния 3 преподóбническая (зри страни́цы 14—16).

На литїи стихїры самогласны, глас 1:

Христóвою сїлою дѹшу свою́, óтче, укрепїв,/ Христóво жили́ще свѣтло был есї,/ свyтыни испóлнен, крóтостию и смирѣнием сия́я,/ к присносущней слáве и к Свѣту невечѣрнему престáвился есї,/ идѣже непрестáнно мо́лиши,/ о э́же спастїся всем нам.

Украсїв жити́е своѣ мнóгим воздержáнием/ отвѣрглся есї мїра/ и вся, я́же в мїре красная, преобїдел есї,/ евангельским учѣнием послѣдуя,/ жестóким жити́ем тѣло своѣ изнуря́л есї./ Тѣмже на Небесѣх водворя́ешься/ и ны́не моли́ Христа́ Бóга/ согрешѣний оставлѣние даровáти рóду сѣрбскому/ и всем, чтѹщим свyтѹю пáмять твою́.

Слáва, глас 2:

Преподóбне óтче Иоаса́фе приснопа́мятне,/ многосвѣтлы́й свѣтїльниче рóда сѣрбскаго,/ ты бо, мона́шеское жити́е возлюбїв,/ пóстников был

есї похвалá, / тѣсный путь шѣствовал есї / и явился есї Ангелом собесѣдник, / преподобным и праведным сожитель. / Тѣмже молим тя: / молися непрестанно / о спасѣнии всего рѣда сѣрбскаго.

И ныне, праздника.

На стихѣвне стихїры, глас 1:

Пред лицѣм Владыки твоего предстою, преподобне, / молися о избавленїи рѣда сѣрбскаго / от работы тьмы и страстей мучительства.

Стих: Честна пред Господем / смерть преподобных Егѣ.

Да причастник явїшися нетлѣнная жизни, / вся привременная, Богомудре, пренебрегл есї / и, к Бѣгу прешѣд, / непрестанно молиши спастїся всем нам.

Стих: Что воздам Господевї о всех, / яже воздаде ми?

Любовїю Владычнею подстрекаем, / вся дѣльная оставил есї, / ѣго лѣгкое мужески на рамо взем. / Тем ныне, радуясь, / Владыще всех Христу предстоїши.

Слава, глас 6:

Умертвїв двїзанїя плѣти своея, / крѣпким пощѣнием, преподобне ѣтче, / явился есї Владычне обїтелище, / Егѣже моли избавитися скорбей и страстей смущенїя / всем, к тебѣ прибегающим.

И ныне, праздника.

Тропарь, глас 3:

Сердцем и душею возлюбїв Христа Господа, / вся красная мїра сего оставил есї, / избѣлил же есї паче в смирѣнии и послушанїи Бѣгу служїти, / нежели на престѣле царством владѣти. / Сего ради благочестно восхваляем тя / и, святую пámять твою совершающе, вопїем ти: / ѣтче Иоасафе Богоблаженне, / моли Христа Бѣга о спасѣнии рѣда нашего христіанскаго.

Слава, и ныне, праздника.

НА УТРЕНИ

На Бог Господь: тропарь праздника, двáжды. Слава, преподобнаго. И ныне, праздника.

По 1-м стихословии седален, глас 8:

Мимотекущую славу на земли в ничтоже вменив, / отложил еси скиптр владычества / и избрал еси ризу монашескую. / Но, оставив на земли царство временное, / восприял еси богатство Небесное и славу вечную. / Темже ублажаем тя, преподобне отче Иоасафе, и верно вопием ти: / моли Христа Бога даровати миру мир и всем нам велию милость.

Слава, и ныне, праздника.

По 2-м стихословии седален, глас 4:

Душу твою благодати слово облистá, якоже заря света, / тобою бо вся Метеорская гора исполнися Христова сияния, / Емуже причащающимися, сокровищу мудрости твоея удивляемся.

Слава, и ныне, праздника.

По полиелеи седален, глас 8:

Возшед на гору разума добродетелей, / к чувственной же горе Метеорстей самого себе возвел еси, подобно яко инаго Исаака, / идеже вместо всеожжения овча сердце твое мысленно пожерл еси.

Слава, и ныне, праздника.

Степенна, 1-й антифон 4-го гласа. Прокимен, глас 4: Честна пред Господем / смерть преподобных Его. Стих: Что воздам Господеву о всех, / яже воздаде ми? Всякое дыхание: Евангелие от Матфея, зачало 43.

По 50-м псалме стихира, глас 6:

Престол на земли оставил еси / и Метеорскую гору постигл еси, / идеже высоту благородия / в раба смирения изменив, / молитвами душу просветил еси, / добре монашески пребыв, / Ангельски пожил еси. / И яко ныне предстои Христу Богу, / моли спастися душам нашим.

Канон праздника со ирмосом на 6 и преподобного на 8, глас 2, егоже краегранесие: Пою и славлю Иоасафа мудраго. В Богородичнах же и в седальне: прота Мирко.

Песнь 1

Ирмос: Во глубинѣ постлѣ иногда / фараонѣтское всебѣинство преоружѣнная сила, / воплощшея же Слово всезлѣбный грех потребило есть: / препрослѣвленный Господь славно бо прослѣвися.

Преподѣбне ѡтче Иоасафе, / даждь ми слово, недостѣйному рабѣ твоемѣ, / да возмогѣ достѣйно воспѣти святѣю пѣмѣть твою.

Ѳтче Иоасафе, / ты на землѣ равноангелно пожил еси, / равноангелную же честь достѣйно получил еси / и ныне со всеми Ангелы Бѣгу предстоиши.

Юность твоѣ чѣста, житиѣ же твоѣ свѣтло, / ѣко правило извѣстно в тебѣ, ѡтче, Божѣственный добродѣтели показѣся.

Богородичен: Покров Божѣственный, тихое пристѣнище, / Пречѣстую Дѣву Марию, вѣрнии, пѣсньми похвалим, Богомѣтерь обрадованную, / всех же вѣрных Предстѣтельница.

Песнь 3

Ирмос: Процвелѣ есть пустыня, ѣко крин, Господи, / ѣзыческаѣ неплодѣющая, Церковь / пришествием Твоим, / в нейже утвердѣся моѣ сѣрдце.

Ихже ѡко не виде, ни ѣхо слѣша, / ни на сѣрдце человека въздѣша, / ѣже угѣтована Бѣгом Того възлѣблѣшим, / сих ты възжелѣл еси, Иоасафе Богодохновенне.

Сошѣдшесѣ днесѣ, чтѣще любѣвию пѣмѣть твою, Иоасафе премѣдре, / молим тя прилѣжно: / моли ѡ нас, вѣрно прѣзднующих честнѣю пѣмѣть твою.

Ликуѣ со Ангелы на Небесѣх, не забѣди нас, преподѣбне ѡтче, / но прѣсно молися ко Господу / даровати мѣру мир и всем скорбѣющим утѣшеніе.

Богородичен: Рѣсны златѣми украшена, Владѣчице, / ѣко Царѣца предстоиши ныне одеснѣю Царѣ и Бѣга, / молящи ѡ рабѣх Твоих.

Кондак и ѣкос прѣздника.

Сѣдален, глас 8:

Ѳтче Богоносне Иоасафе, / житиѣ своѣ украсил еси воздержѣнием / и, поправ вся прилѣги вра-

жия, / присвоился еси Богу единому. / Тем ныне в
вечней славе со Ангелы ликуя, / с нимиже моли
непрестанно помилловатися всем нам.

Слава, глас тойже:

Тя ныне убожаем, преподобне, / ты бо, владыче-
ство на земли оставив, Небесное наследовал еси. /
Темже молитвами просящим тя подаеши Божес-
ственная дарования, / молися убо и о нас, чтущих с
любовию святую память твою.

И ныне, праздника.

Песнь 4

Ирмос: Пришел еси от Девы, не ходатай, ни
Ангел, / но Сам, Господи, воплощся / и спас еси
всего мя, человека. / Тем зову Ти: слава силе Твоей,
Господи.

Аще и владетель на земли был еси, / но, последуя
учению преподобнаго старца Афанасия, / сочтался
еси преподобным. / Тем с ними ты почитаем.

Воссияв, яко солнце, и сын света быв, / свято
твое проводил еси житие. / Тем ныне веселишися
со всеми святыми.

Лепотственно* возсия нам днесь память твою
святаю, преподобне отче Иоасафе. / Тем молим тя: /
проси нам от Христа благодати, и милости, / и
согрешений избавление.

Богородичен: Адова сокровища упразднишася /
и смертное мучительство преста востанием Рожд-
шагося из Тебе, / и жизни сокровища наполнишася.

Песнь 5

Ирмос: Света Подателю и веков Творче, Госпо-
ди, / во свете Твоих повелений настави нас: / разве
бо Тебе, иного бога не знаем.

Юнии и старцы, монаси и священницы, / славос-
ловят купно блаженную память твою, / Богодохно-
венне отче Иоасафе.

Иоасафе Богоблаженне, / ты явился еси безсмер-
тия причастник / и общник Божественнаго
Царствия / и с высоты бдеши над певцы твоими. /

* лепотственно — пристойно, украшенно

Проси́ у Бо́га прощѣние грехо́в их / и прича́стие в сла́ве Его́.

О Иоаса́фе, равноа́нгельне, / имѣющу ти жили́ще на высотѣ Метео́рстей, возсия́ тебе́ с высоты́ Господь от Дѣвы, / Его́же ты возжелѣл еси́.

Богородичен: Моего́ ума́ стра́сти лю́тыя утоли́, Ма́ти Бо́жия, / и исправи́ мя, заблуждшаго, / я́ко да сла́влю Тя.

Песнь 6

Ирмос: В бѣздне грехо́вней валя́ясь, / неизслѣдну́ю милосѣрдия Твоего́ призыва́ю бѣздну: / от тли, Бо́же, мя возведи́.

А́нгела на землі́ и на Небеси́ челове́ка вем ты, преподо́бне, / насажденъ бо в до́му Господни, / процвѣл еси́ праведно, я́ко кедр в пусты́ни, / умно́жив Христо́во ста́до словѣсных овецъ в преподо́бии и правде.

Содѣлав ду́шу твою́ храм Ду́ха Свята́го, / преми́нул еси́ зѣмлю до́льную, / Небѣсную же жизнь стяжа́л еси́ / и со Безплотными ли́ки смесился еси́. / Тем и кро́тких зѣмлю наслѣдовал еси́.

А́нгельски на землі́, я́ко Безплотен, поживъ, / мир преобидел еси́, сла́вне, / обветшавшаго челове́ка я́ве, о́тче, совлѣклся еси́ / и, я́ко скверну́ ризу отвѣрг с грехо́вными страстьми́, / в но́ваго облѣклся еси́, / е́же по подо́бию о Христѣ, преподо́бне.

Богородичен: Из Тебе́ прозябе́ Цвет неувяда́емый, / облаговонству́я все челове́чество Боже́ственным ми́ром естества́ Своего́, / и Иже Отцу́ Собезнача́льный из Тебе́ бысть ле́том, Дѣво Всенепоро́чная.

Конда́к, глас 4:

Вѣдый прехва́льное жити́е твоѣ́ и чистоту́ / и безме́рное смиренномудрие, / преподо́бный Афанаси́й наименова́ ты преѣмника́ своего́, / ты же показале́ся еси́ досто́ин сего́ нарече́ния / и, служа́ Триипоста́сному Бо́гу, / соблю́л еси́ ввѣренную ти оби́тель Метео́рскую. / Те́мже мо́лим ты, о́тче Иоаса́фе, / не забуди́ отѣчество́ твоѣ́ и весь се́рбский род, / но моли́ся всегда́ о всех нас.

Икос:

Утвердѣвся страхом Христóвым, / весь распялся есѣ мірови, Богонóсе óтче Иоаса́фе, / и, возвысив к Бóгу сердéчное желáние, нищету возлюбѣл есѣ, / в нищете́ же пожѣв, добродéтелями обогатѣлся есѣ, / испóлнен же быв свѣтлостію житія, / храмы благолѣпныя на Метеóрах Бóгу воздвѣгл есѣ / и вся обѣтели Метеорѣтскія кúпно со сестро́ю своёю Маріею богато снабдѣл есѣ. / Сего́ ра́ди и мы, вѣдуще тя храм Свята́го Дúха, прилѣжно мо́лим тя: / не забúди отѣчество твоѣ и весь сѣрбскій род, / но мо́лися всегда́ о всех нас.

Песнь 7

Ирмос: Богопротѣвное велѣние беззакóннующаго мучѣтеля / высóк пла́мень вознесло́ есть. / Христóс же простре́ Богочестѣвым отро́ком рóсу духовную, / Сый благословѣн и препросла́влен.

Фѣникс, насаждѣнный в до́му Господни, явился есѣ, / мно́жеством бо мона́хов процвѣл есѣ / и, я́ко кедр, ѣже в Ливáне, добродéтель умно́жил есѣ.

Аще и владѣтель был есѣ, / но, презрѣв сла́дости привре́менные, / благословѣнное целомúдріе соблю́л есѣ.

Метеорѣтская похвала́ явился есѣ, / поревновáв блаженному Афанáсию—Метеорѣту, / нра́вом и житіем послѣдуя е́му, / страх бо Бóжий воспрѣим в сѣрдцы сво́ем, / дѣлы сво́ими весь род сѣрбскій возвесели́л есѣ.

Богородичен: Родила́ есѣ па́че смѣсла и естества́, Богороди́це Дѣво, Свята́го святѣх, / подаю́щи ходата́йством Тво́им освяще́ние и избавле́ние и оставле́ние грехóв / всем вѣрным, сла́влящим Е́го воскресѣние.

Песнь 8

Ирмос: В пещь óгненную ко отро́ком еврейским снизше́дшаго / и пла́мень в рóсу прелóжшаго Бóга, / пойте, дѣла, я́ко Гóспода / и превозносите во вся вѣки.

Удаля́йся путѣ пространнаго, / тѣсный же предпочита́я, / ѣнок ѣстинен был есѣ / и, достѣг широты́ райскія, радóстно о Христѣ́ взывáеши: / пойте и превозносите во вся вѣки.

Дары многими вся обители Метеорския щедро снабдевал еси, / сим же душу свою обогатил еси. / Темже ныне со всеми праведными, радуясь, о Христе поеши: / пойте и превозносите во вся веки.

Ревность Божественнаго жития твоего / яви ты истиннаго наставника множества монахов, / ибо стязал еси Христа содетельствующа. / Емуже ныне со всеми святыми восклицаяши: / пойте и превозносите во вся веки.

Богородичен: Краснейшаго добротою родила еси, Всенепорочная, / Сего умоли избавити мя огня, / ибо житие мое все отягчися, / все поработися лютыми грехами, / аз же воспою к Немю: / пойте и превозносите во вся веки.

Песнь 9

Ирмос: Безначальна Родителя Сын, Бог и Господь, / воплощся от Девы, нам явися, / омраченная просветити, обрати расточенная. / Тем Всепетую Богородицу величаем.

Ангелом сожитель быв, / яко в рай воздержания процвел еси / и, яко маслина, псаломски явился еси, / помазую сердца наша елеем трудов твоих, / благочестно чтущих священную память твою.

Глас Христа твоего послушав, закон Божий сохраняя невредимо, / чистоту и смиренномудрие от младенства имел еси, / и житие нескверно, и нрав милостивен, Иоасафе, отче досточудне.

Отче Иоасафе блаженне, / добродетельми богат быв, / исполнился еси светлостью жития / и представился еси к Вышнему граду, / сего ради молим тя: / молися ко Господу избавитися от бед роду сербскому.

Богородичен: Отроковице Богоневесто, / из корене Иессеова Ты прозябла еси / и родила еси Корень, всех Царя, Христа Бога нашего, / от Негоже вси вернии прозябают и получают спасение. / Тем непрестанно моли Его, / да спасет православный род сербский.

Светилен:

Светом Единосущныя Троицы озаряем, / возсиял еси светлыми зарями добродетельных подвигов

твоих, / озари светлостью и весь православный
род сербский, да вси взываем ти: / радуйся, отче
Иоасафе, метеоритов похвало.

Слава, и ныне, праздника.

На хвалитех стихиры на 4. глас 8:

Оставив престол на земли, яко вещь тленную, / и
славу текущую, / восприял еси воистинну богат-
ство нетлемое и славу вечную. / Темже блажим
святое твое усение, / и, воспевающе, вопием ти: /
имея к Богу дерзновение, / поминай нас всегда,
Иоасафе всеблаженне.

В Метеорскую гору вселився, / пречестный храм
Преображения Господня в ней обновил еси, /
украшая его богато. / Сего ради и счислен был
еси к самому ктитору, / преподобному Афанасию. /
С ним же молися Христу Богу / грехов оставление
даровати / чтущим любовь святую память вашу.

Щедр и даролюбезный показался еси к метеор-
ским святыням, / обогащая их многими дарованьми
и защищая их. / К тому и боголюбива сестра твоя
Мария / щедро помогаше ти. / Тем ныне молим тя: /
помози и нам, рабом твоим, / святую память твою
почитающим, / и испроси всем велию и богатую
милость.

Имея всегда во уме своем райскую жизнь / и тамо
святых веселие, / всю жизнь на земли, преподобне
отче, / во смирении и послушании прошел еси, /
повинуясь закону Божию. / Темже и безстрастия
благодатию обогатился еси, / юже испроси и всем
нам, / ублажающим славное твое усение.

Слава, глас 1:

От юности твоея ум к Богу вперив, / слуга Божий
был еси, / сохраняя яко священник спасительная
повеления, / мирское смущение оставил еси / и, яко
добрый купец, тленными нетленная искупил еси. /
Темже ныне, память твою почитающе, вопием: /
слава Богу, просветившему тя, / слава Венчавшему
тебя, / слава святую твою память Прославльшему.

И ныне, праздника.

Славословие великое. Ектений и отпуст.

НА ЛИТУРГИИ

Блаженны от канона праздника, песнь рядовая, и от канона преподобного, песнь 3-я. Прокимен праздника и преподобного, глас 7: Честна пред Господем / смерть преподобных Его. Стих: Что воздам Господеви о всех, / яже воздаде ми? Апостол дне и преподобного ко Галатом, зачало 213. Аллилуйя, глас 6: Блажен муж, бойся Господа, / в заповедех Его восхощет зело. Стих: Сильно на земли будет семя Его. Евангелие от Лукы, зачало 77. Причастен праздника и преподобного: В память вечную:

Преподобный Иоасаф Метеорский. Когда сербский царь Душан Сильный Неманич (1331—1355) овладел Албанией и греческой областью Эпир, а его полководец Прелюб завоевал область Фесалию (1348), Душан провозгласил себя царем сербов, греков и албанцев, деспотом Арги (Эпир) и комитом Влахии (Фесалии). Правление этими областями он разделил соответственно: Фесалию — полководцу Прелюбу, а Албанию своему шурина, брату царицы Елены, деспоту Иоанну Комнену Асену. Область Эпирскую он отдал своему брату Симеону-Синиши, который женился на дочери эпирской деспотиссы Анны (от первого брака) Фомаиде, сестре бывшего деспота эпирского Никифора II (1335—1340). Мать Симеона, Мария, была гречанка и происходила из византийской царской семьи Палеологов (поэтому и Симеона стали называть Палеологом). Симеону и Фомаиде даровал Господь двоих детей, Иоанна и Марию, называемую Ангелина. По кончине царя Душана (†1335) Симеон Урош Палеолог (1355—1369) провозгласил себя царем и самодержцем греков, сербов и албанцев.

После смерти правителя Фесалии полководца Прелюба, царь Симеон Урош стал править и Фесалией. Свою столицу он переместил в центр Фесалии — в город Трикалу. Сын Прелюба, Фома, женился на дочери царя Симеона Уроша, Марии-Ангелине, и получил в управление Эпирскую область.

Перед своей смертью (†около 1369) он передал царство своему сыну — Иоанну Урошу Неманичу-

Палеологу, т. е. преподобному Иоасафу.

Святой Иоанн, в монашестве Иоасаф, родился около 1350 года. Детские годы он провел при дворе своих родителей, которые дали ему хорошее христианское воспитание. Еще в детстве он стремился к духовной жизни и отвращался мирской суеты. Умом он восходил к Богу, к вечным и непреходящим сокровищам на Небесах. Поэтому большую часть времени он проводил в храмах и в монастырях, а особенно часто посещал подвижников Святой Горы и монастыри на Метеорах. Перед смертью царь Симеон Урош Палеолог передал Иоанну престол. Но святой Иоанн, возлюбивший Господа больше, чем царские почести, вскоре передал власть своему родственнику Алексию-Ангелу Филантропину. Святой Иоанн, будучи духовным сыном преподобного Афанасия Метеорского, поселился в общежительном монастыре на Платилитосу, т. е. на Великом Метеоре у преподобного Афанасия, приняв постриг и новое монашеское имя Иоасаф. С самого начала преподобный Иоасаф вел строгую жизнь и совершал богоугодные подвиги и добродетели. Вскоре он достиг такого совершенства, что преподобный Афанасий, умирая (†1382), благословил его как своего наследника быть игуменом монастыря.

Вместе с преподобным Афанасием преподобный Иоасаф построил много новых келлий, монастырскую больницу и другие помещения. Кроме того, он щедро помогал и другим метеорским монастырям, защищая их права своими царскими грамотами.

Когда турки захватили Фесалию, преподобный Иоасаф был вынужден в 1394 году на некоторое время удалиться на Святую Гору. Он прожил в монастыре Ватопед несколько лет. Около 1401 года преподобный Иоасаф вновь возвратился на высокие Метеоры. Там он и преставился ко Господу, Которого так много любил

и жаждал. Блаженная кончина заставила преподобного Иоасафа в монашеских молитвах и подвигах в маленькой келлии на Метеоре около 1422—1423 года. Святые мощи преподобного Иоасафа доньше почивают в его святом монастыре в честь Преображения Господня, вместе с мощами преподобного Афанасия Метеорского.

